

香

字

集

矣然或以爲義若未純而辭亦未著揆諸解禮樂之情文者不能無餘憾焉于是大明田藝蘅乃作重補樂歌十篇各爲小序以釋其義凡二十三章采風氏曰吾子不雅頌 當代而顧稱誄往昔何也子藝曰嗟乎儒者之稱往昔述也事也若夫雅頌 當代則有太常在焉草莽之臣爲之不幾于僭乎故是編也非敢獻諸太師以求訂樂府之殘缺也聊以宣正聲而鳴古道云爾

樂歌者說文曰樂者五聲八音之總名也象鼓鞀木簏通論曰木樂爲樂出于人心布于管絃彌廣則備鼓鞀夫聲即音也于文耳聲爲聲五聲者商角徵羽也聲生于心有節于外謂之音八音者

金石絲竹匏土革木也歌者誅也長引其聲以誦之也合樂曰歌聲比琴瑟之謂也有章曲曰歌風雅頌之謂也蓋聖人治天下天下大定然後正六律和五聲緣歌詩頌此之謂德音德音之謂樂

網罟

網罟太皞庖羲氏之樂名風姓代燧人氏而有天

下

皞一作昊

結網罟以教佃漁故曰宓羲氏

宓一作伏虞羲一作

戮

善犧牲以庖厨故曰庖犧氏

庖一作炮又作包

蓋天地

之初物生其間林林總總患害日滋故聖人教民

以佃漁非極口腹之欲也取之而因以食之所以

養生也臣芒作網本作罔或作罔省作罔蒙覆取之也罟

者網之總名取獸曰佃取魚曰漁尸子田燧人之

世天下多水故教人以漁按其君鑄燧出火教人
熟食在伏羲之前譙周以爲三皇之首是也其功
不歸燧人而頌太皞者八卦之道顯也易曰取離
而結網或曰放蜘蛛而結網亦遠取諸物之意故
曰爰作荒樂歌扶徠扶鳳詠網罟以鎮天下之人

命曰立基夏侯玄辨樂論曰伏羲因時興利教民
田魚天下歸之有網罟之歌嗚呼古者以網罟而

獵禽獸後世以網罟而獵百姓抑何與迺歌網罟

惟鴻荒之初兮禽獸雜居深山大澤兮其害當除結

繩而爲罔罟兮以田以魚

孟子曰鳥獸之害人者消
然後人得乎土而居之

乃除其害兮民且鮮食鳥獸魚鼈兮咸若聖德各猷其所兮何有帝力

右佃漁二章章六句

豐年

豐年炎帝神農氏之樂名伊耆姓

初國伊耆國耆故曰伊耆氏一

作祈名軌

見春秋命談

一曰石年

見春秋命曆序

長于姜水故爲

姜姓肇迹列山故曰列山厲山氏

一作烈麗

以連山爲

易故又曰連山氏代女媧氏而有天下謂人之生

太倉爲主而太倉穀爲主萬物無以易于穀於是

斲木爲耜揉木爲耒耨之利以教天下史稱始

教耕故曰神農氏又曰始嘗百草乃命邢夭作扶
犁之樂制豐年之詠以薦釐禾是曰下謀辨樂論
曰神農教民食穀有豐年之詠耜耒也柄曲木曰
耒耒端曰耜耨器也如鍬臣垂作耨豐大也多
也盛也故曰大有年也年本作季取禾一熟也迺

歌豐年

斯民木食兮孰辨菽粟日嘗百草兮七十二毒

爰別嘉穀兮以濟民饑制爲耒耨兮稼穡繁滋

深耕易耨兮穰穰有年含哺鼓腹兮浩浩其天飫我

萬世兮樂哉帝田

右耒耨三章一章章四句一章章六句

雲門

雲門黃帝有能氏之樂名本公孫姓名荼後改姓
姬一曰軒字玄律或曰始垂衣裳有軒冕之服故
號曰軒轅氏一作帝鴻氏
又曰歸藏氏代神農氏帝榆罔而有
天下史皆稱黃帝作咸池而不著雲門故莊子曰
黃帝張咸池之樂于洞庭之野及周禮天子祭祀
用六代之樂一曰雲門二曰咸池是爲黃帝唐堯
明也列子曰周穆王奏承雲張湛曰承雲黃帝樂
也路史命大容作承雲之樂是爲雲門大卷著之

控楬以道其蘇中陽之月乙卯之辰日在奎而奏
之弛張合施動靜麗節是故翕純皦繹聲而聽嚴
五降之後而不彈矣今日咸池注即咸池阮嗣宗
樂論黃帝誅雲門之神少昊歌鳳皇之跡雲門咸
池樂殊奏異鄭康成云咸池即大卷大卷即大章
孔穎達以雲門爲大卷皆未詳也元子云雲之出
潤益萬物如帝之德無所不施似矣而門字之義
不自蓋雲山川陰陽之氣也門二戶人所出入由
之者也按帝受命有雲瑞故以雲紀雲瑞見史以
應劭
爲雲師而雲名是也迺歌雲門

雲之出兮萬物潤澤孰知其自兮帝闕孔闕
雲之入兮太和保合孰知其自兮帝闕孔闕
一卷一舒兮至仁無恩廣生大生兮乾坤之門

右雲門三章章四句

九淵

九淵少昊金天氏之樂名黃帝之子名清陽一作

于清是又曰孫名摯也紀姓世紀姬姓古史攷名

質擊通一作處于雲陽亦曰雲陽氏以金德王故

又曰金天氏代太昊而有天下遠憲太昊而乘西

行是稱少昊又稱西皇少昊幣文作小周書作小

顛都于小顛以宇窮桑故亦曰窮桑氏作大淵之

樂以諧人神和上下是曰九淵

羅泌曰舜歌九淵以美禹功禹因之

爲大夏則固少昊樂也然淵不稱少昊而言禹以其備也

淵回水也止也深也

蓋九者陽數之變而淵者靜深之極也迺歌九淵

聖德淵淵兮浩無涯澤被四海兮沫之游之

高有九天兮深則九淵洗濯日月兮億萬斯年

右九淵二章章四句

五莖

五莖一作莖顛頊高陽氏之樂名黃帝之孫一

曰曾孫姬姓

古史攷作姁姓纂文作風姓

名顛頊年十五而佐

少昊封汧高陽故曰高陽氏代少昊而有天下羅
泌曰作五聲之樂以調陰陽享上帝命曰承雲漢
書作六莖五英樂緯動聲儀作六英五莖史曰六
莖及根莖也師古曰澤及下也或曰道有根莖也
草曰莖枝生于莖六者老陰之數五者中數也莖
本作聲博雅曰六聲顯類樂也樂計圖徵作五莖
宋均曰能爲五行之道立根莖是也迺歌五莖
五行之精兮五德孔明惟帝全備兮而握其莖
惟德之五兮植我天常根莖深固兮潤下無方

右五莖二章章四句

六英

六英一作五英帝嚳高辛氏之樂名黃帝之曾孫

嚳名俊

一作逸

又名俊嚳之字曰亡斤年十五而佐

高陽氏受封于辛故曰高辛氏代顓頊而有天下

羅泌曰命咸黑典樂爲聲歌作九招制六列五瑩

樂緯潛夫論皆作六英

享上帝以中瑩

即中瑩也

史曰五英英華

茂也英草之榮萼也本作諛記曰五諛言能調和

五聲以養萬物調其英華也博雅曰五諛帝嚳樂

列子曰穆王奏六瑩張湛曰帝嚳樂也通作英周

禮疏六英六合之英是也元子歌金石絲竹而不

及匏土革木似非八音之完也迺歌六英

上下四方兮孰非英華惟帝攬之兮宇宙亨嘉

俯仰六合兮孰非精英民風泰和兮八音以成我思
聖人兮天載無聲

右六英二章一章章四句一章章六句

咸池

咸池帝堯陶唐氏之樂名帝嚳之子代摯而有天

下名放勳一作名堯曰放勳年十三佐摯封植于陶改國

于唐故號陶唐謚法翼善傳聖曰堯史曰堯作泰

章曰章之也蓋言仁義太行法度章明又曰大明

天地之道也。冷遺大章而舉咸池者，史曰：咸池備也。羅泌曰：命質放山川谿谷之音，以歌八風，作大章之樂，制咸池之舞，而爲經首之詩，以享上帝，命之曰大咸。大司樂以咸池祀地，示明堯樂也。鄭玄曰：黃帝作咸池，堯增修而用之，咸皆也。池之言施也。劉子法語曰：黃帝之咸，治言大道罔不備也。按咸，悉也。丘左高亦曰咸，停水曰池。本作沱，字書無以池作施，而施字下亦無池。音義要之，咸池東海別名。淮南子曰：日出湯谷，浴于咸池，是也。故王肅亦曰：包容浸潤，行化皆然也。今湯谷堯典作暘谷。

言堯之德如日之升于咸池無所不照又如咸池之大無所不納也史稱就之如日竊有取焉迺歌咸池

太陽初升兮浴于咸池峻德克明兮萬邦雍熙蕩蕩乎孰能名之

咸池之光兮無隱弗彰惟帝則天兮旁燭無疆巍巍成功兮煥乎文章

右咸池二章一章章五句一章章六句

韶

韶元作大韶帝舜有虞氏之樂名顓頊六世孫代

堯而有天下姚姓嬪于虞因姓虞氏或曰其先國

于虞始爲虞氏名重華字都君或曰目童重曜故

曰舜而原曰重華世紀云因瞳子名重華真源曰字仲華按舜苗也蔓地蓮華名

有睽矐意故曰好動曰舜一作瞬書注舜名也謚法仁聖盛明曰舜韶史

作招曰繼也能繼堯之德也禮樂志曰韶也言紹

堯致治也大司樂以大磬祀四望注磬古韶字周

官等皆作大磬路史曰舜巡州觀風習其情性因

論十有二俗定以六律五聲八音七始著其素以

爲韶退其利欲返其仁義九奏具成而鳥獸之聲

猶悉關于律勃然興韶于大麓之野迺作大唐之

歌以聲帝美聲成而綵鳳至又曰繹承雲備咸池
命質作昭華之琯尺有二寸之節夔脩大招六列
五英以明帝德以降上神韶箭九變而帝道成鳳
皇儀五帝之樂莫盛于此一作簫韶風俗通曰舜
作簫書曰簫韶九成一作九招史曰禹迺興九招
之樂是也而劉勰迺云帝嚳之世咸墨爲頌以歌
九招又何也尚書大傳曰招爲賓客孔子在齊聞
韶嘆曰盡美矣又盡善也舜之遺音不圖爲樂之
至于斯也迺歌韶

我有黎民兮於變時雍問之莫知兮實難乎其爲功

恭已正南面兮惟帝之先垂衣裳而治兮自然而然

右韶二章章四句

夏

夏元作大夏伯禹夏后氏之樂名顓頊六世孫代

舜而有天下妣姓名文命字密一曰名禹

一作伯禹是爲

文命曰大禹尊稱也成功之後始稱大禹謚法受嬪成功曰禹史曰夏

大也大承二帝也或曰道重太平宋均曰其德能

大諸夏也羅泌曰四海之內咸戴帝舜禹駢三聖

迺興九招命臯陶爲夏龠足鼓龍龔籥八佾六列

皮弁素積九成而功昭曰大夏明堂位曰舞大夏

祭統曰大夏天子之文舞也春秋元命苞曰禹之
時民大樂其駢三聖相繼故名大夏周禮稱夏禹
九德之歌又云奏九夏一王夏二肆夏三昭夏四
納夏五章夏六齊夏七族夏八祴夏九驚夏或曰
皆詩篇名頌之族類也蓋夏即大也迺歌夏

鴻水滔天兮湯湯群生久旅忘家兮地平天成

史正義曰

湯音商今讀如字湯湯廣平之貌言水奔突滌除地上之物漂流蕩然也

橫流汎濫兮孰爲天下元圭迺錫兮造我區夏
民免魚鼈兮河洛永思神功不湮兮頌聲不衰

右夏三章章四句

跋田子藝重補樂歌後

太古之樂有詞有義有聲詞亡則補詞義亡則補義聲亡則補聲意各有在矣若康衢若賡歌天下之至詞也象德攷實天下之至義也冲然和蕩然平淵然其深以求天下之至聲也如是而補之夫何不合之有乎若迺詞俚而鄙義舛而辟聲促而哇則其補之也適以亡之耳樂歌之亡唐人多補之而惟元子次山皮子襲美爲稱首今此卷則田子子藝所重補也其聲其義其詞多有備前人之未備者試以予言訂之其合不合可皦如矣餘杭蔣灼跋

香宇續集

壬戌稿

吳越間田藝衡撰

詩

新春雪中期呂時行不至

舊得塘棲一片書西遊約在早春初停雪幾廢良朋
詠掃雪難迎長者車老竹嶺頭關不鎖下浮溪口市
成虛知君已展扶搖翼惟有梅花伴索居

贈大方伯豐城徐公兼謝白楮之惠

南州高士玉堂仙
劔躍豐城氣燭天
德澤已教敷海嶽
寵光何幸賁林泉
東方舊上三千牘
內史新頒九

萬笈自媿窮愁書正著禮容先爲世家傳

早春郊園

春豔芳園早年光綺樹深綠侵游女跡清愜隱人心
徑僻風回草山陰雪覆林闌干凝聽久新鳥換流音

聞江西胡中丞捷音志喜

建節西征值亂離未須三月報旋師中丞舊肅彤騶
仗大將新褰翠鳳旗地入不毛皆赤子野無流孽是
清時匡廬山色高千仞白筆乘閒好勒詩

賦得魚上水

陽氣昭回後潛鱗陟負初東風方解凍晴日正遊魚

掉尾浮還定揚鬢卷欲舒洋洋依曉岸潑潑上春渠
在藻恩無限登門志不虛獨憐枯轍鮒斗水望何如

同詠

將灼

萬沼冰全泮融融漾碧虛微陽初蕩水極樂已知魚
浪趁桃花煖春乘荇葉舒銀鱗還潑刺玉尺自紆徐
隊逐濠梁上鬢揚瀚海餘洋洋多聖澤游沫定何如
早春對梅以清風細雨濕梅花爲韻七首

先春有奇樹湛湛白玉英朝陽射珠箔可人相對清
既翻蛺蝶白復並桃央紅寒映此時雪香來何處風
得句尊已空遲客閒不閉何遜掩孤標敢誇聲律細

小蕊如有情欲吐半未吐何以束芳心
瀟瀟夜來雨吟魂有所思倚杖久凝立
爲貪書徑深忘卻芒屨濕繞砌垂垂發
當尊脉脉開索居誰是侶寂寞伴寒梅
織摩原不染穢句敢相加雪後東風裏
山中第一花

雪服

獨客掩蓬廬春寒積雪餘屢遭時歲歉
轉覺友朋踈檐鳥頻窺食庭花亂撲書
土膏欣已動漸欲理耕鋤

二月北高峯梅花一樹

誰把梅花向此栽最高峯上最遲開
冰霜歷盡春如許二十年前載酒來

得李傅士起南書聞左遷梧州別駕遂棄官歸

田寄慰一首

遠離粵嶠仕燕京遷謫重聞嶺外行
經廢漢朝無博士書傳魯國有諸生長沙
吊古應垂淚瘴海尋家定記程
剡說一枝君已慰天涯回首是戈兵

君子學易已作解元

登重建鎮海樓晚酌吳行人伍公祠

兵燹難侵劫火焚
俄瞻傑閣聳層雲
水連滄海天邊去
山自仙霞嶺上分
相府綵旂開巨鎮
戍樓畫角散妖氛
遊人莫吊行太廟
潮落寒江已夕曛

送黃主簿歸瓊海

黃香爲薄識材難未及三年報罷官封印短琴猶自
鼓歸家長鉞不堪彈大庾梅樹千年老南海鯨波六
月寒若到朱厓重回首燕雲直北是長安

西湖聞笛

一湖春水淨無沙橫玉參差出萬花吹向東風倍惆
悵六橋楊柳乍抽芽

席上贈張尹侯兼呈王俞諸君子

村居爾祖共西東個儻常懷古將風三世不忘傾蓋
下一尊相對落花中山川此地親朋合歌舞連宵笑
語同坐鎮吳興成雅俗溪頭莫憚畫船通

乃祖號西
村居鄰東

古意詠燭

花中燭香影上簾櫳凝光回夜月流淚向東風

西湖獨步

春滿湖頭花滿堤奚囊不挂挂偏提三生石上招僧
飲九里松間聽鳥啼妙法本來天竺外好山多在鷺
峯西笙歌是處扶紅袖誰向林泉獨杖藜

送大方伯徐夫子之任湖廣一首

得掃臯門願已違春風楊柳更依依曾魁獨薦端元
服又展交龍建左旂江海幾年成戰地荆襄此日是
王畿再容下士窺東閣應識祥雲近紫微

蠶節

蠶月禁人嚴春寒火漸添箔將桃作梗門以葦爲簾
棄子兒童採村神婦女占繭絲悲政急民利總毫纖
燒筍

斲筍不去土却敲枯竹燒坐冷齒頰間清風生寂寥
山中春晚

連朝沈醉不登山檢校春情未易閒科斗幾時拋黑
點桃花是處灑紅斑幽林嬌鳥啼頻歇古洞玄雲去
漸還喚得鄰翁問農事年來水旱信多艱

立夏

小院清風至泥金易扇紗欲消三伏暑先闌七家茶
海燕初生子山榴競吐花西湖櫻筍會相約傍鷗沙

睡燕有序

人稱着題詩難作偶覩梁間睡燕欲味一篇
因憶瞿宗吉所作甚善第起句即多事不切
睡思而蝶化鶯啼俱非本色信乎捉風捕影
之不易也漫然口占并附瞿詩于此補巢術
得落花泥困倚東風倦翅低金屋晝閒隨蝶
化玉堂春靜怕鶯啼魂飛漢殿人應遠夢入
烏衣路欲迷卻被捲簾人喚醒小橋流水夕

陽西

懶啄芹泥緝蘄窠落花風煖稱眠窩
釵飛白玉魂俱逝堯御烏氎恨轉多
賀厦有心嫌雀鬧寄書無力想鴻過
主人春夢時同醒細雨閒庭長綠莎

十姊妹花

雲裏群仙不可招誰家姊妹闌妖嬈
移來內苑連枝秀開向東風並蒂嬌
宮闈藥珠聯翠袖樓閣化萼簇紅綃
金釵十二春無限好共山人伴寂寥

示掘笋童子用俚語

小童來掘笋去取爾休差欲護新延竹
須留嫩長芽

瘦黃知硬苦肥白定柔嘉千畝非吾願無令俗到家
其二

鋤頭當慎重切莫亂交加紫籜真龍角烏皮勝象牙
細宜醃作脯尖可淡供茶北客疑牀簣南人四季誇
曉起山行

侵曉登山露未晞樹陰如水濕羅衣透梢紫笋成青
竹學語黃鶯出翠微路僻不妨人獨往才踈合與世
相違茶香水滑多消受始信游岩未可非

徘徊花卽玫瑰花

花裏有玫瑰春風最後開
祗緣香旖旎故得號徘徊

露倩薔薇澆囊將錦繡裁誰從魚貫寵喚取紫雲來

芒種

四月二十六芒種晴空熱龍吼且雷須臾暴雨水一尺共喜黃仙秧好栽豆麥滿田猶未割飢民求死不
求活豆麥要作半年糧傷哉去年遭水荒

並頭紅蓮

同心蓮自好宜在水仙家天上多情種人間合命花
房房承瑞露灼灼眩明霞何必西施采爭看隘若耶

過十洲山堂哭張大兄子朴一首

廿載交驩伯仲間一朝頽玉淚潸潸人生半百不爲

天業散千金行復還把酒幾思湖上棹看花忍心對閣
中山十洲縹緲飛仙去城郭依然鶴夢間

松棚

斫得青光架綠陰等閒生我歲寒心人間酷暑須臾
退一片濃雲抵萬金

夏遊山寺暴雨晚晴

酷暑避無方來尋紺宇涼崑陰知竹密泉冷助茶香
風急收凍雨雲輕下夕陽山僧能止宿月色到禪牀

同詠

蔣灼

崑谷驅新暑衣襟已自涼忽然來急雨又復對斜陽

醉倚頭陀石筵開般若堂冷冷飛澗水何惜更流觴
謝俞潤之惠人棧

余方脩藥餌君素愛方書重饋人參至深知婦病除
紫圍能益氣國老善充虛九轉何時就還求橐一嘘
酤酒市中

吾聞酒猶兵不可一日無千日可不用不備有深虞
頻年事畎畷竟爲麴蘖需耐可饑無糧無酒真喪吾
去秋罹水災田野皆荒蕪粒米不充腹何由給鍾飢
不憂賓客來所憂獨中厨惜酒如惜金豈特勝醞醑
朝飲白玉液暮飲甘露珠一日不及唇大腸小腸枯

貧兒盎中粟傾倒在須臾矧惟餅之罄囁耻堪嗟吁
亟辦千百錢誰家有酒酤呼童出城市竹杖荷瓠壺
不向綠陰堂便覓黃公壚但求香色佳切莫較青蚨
人品苟聖賢何必論錙銖滿眼即犇還幸勿多踟躕
而翁方燥渴雲雨望來蘇勿爲烏有生勿學劉寬奴
稚子夜能賒白日當疾趨百斛本無量仲尼誠拘儒
酤酒脯不食斯言何其愚酒債尋常有債之諒非逋
雖無金貂換牀頭有錕鍔不苦價騰踊鄰丁稀飲徒
清影對明月此興良不孤安得問字人海口任灌輸

七夕遇雨時山妻病卧戲作

曠歲佳期近若何
新秋風雨夜偏多
大孫卧病方愁
寂爲報牛郎莫渡河

聞將薄諸君東鄰飲酒率爾有寄便往傾倒

華堂此日誰徼客
怪得東方紫氣來
不惜新秋一洗
醉橋南野菊十分開

七月十五日西湖泛月

壬戌孟秋望風清宿靄收
乘此東山月放余西湖舟
渺渺寒流靜娟娟孤嶼浮
借問和歌者何如赤壁遊

西湖采蓮曲

湖面團團寶鏡開
兩峯高髻聳粧臺
阿郎不用頻看

妾自有荷花照水來

風翻桂檝浪如雨，死央雙飛翠蓋舞。郎嗅夫容夸味甜，誰知寸心獨自苦。

送馮先生棄官養親一首

聖世誰焚學士魚，儒官歸計未全踈。不愁遠道三千里，爲念高堂八十餘。挂壁獨留彈剩鉞，俶裝惟有讀殘書。眼前多少途窮客，日暮猶勞斧鉞祛。

時事適有所感故云

湖頭別夜聞舟子，吳歌遂翻其首句爲絕句三疊，追贈情人。

月子彎彎照幾州，青山無限水空流。明朝晴雨人千

里且盡尊前酒一甌

危樓薄暮彩雲收
月子彎彎照幾州
月落酒醒人又
去蕭條四壁候
垂秋

郎倚孤舟妾倚樓
不堪如望妾回頭
分明牛女天河
隔月子彎彎照幾州

馮先生留燕官舍爲客歌陽關三疊便覺歸興
益濃醉中賦別

莫唱陽關第四聲
一杯雖盡不勝情
五年有我恩殊
負三事如師義
匪輕歌劇敢夸聲
中律醉深那覺酒
過程夷陵自古佳
山水何日重尋白鷺盟

浦外虹

一水隔長空危梁駕端竦半輪規日影五綵織天工
華渚聞流瑞金精識貫雄霓旌如可度河漢已遙通

同詠一首

蔣灼

秋雨落還止汀前起端竦瑩然明返照倏爾亘長空
釣漁如鈎曲衝霄與劍雄慚予無彩筆同貫斗牛中

送郡博陳思澄傳

遼藩代作

曾薦驪黃備屬車一麾百里孰吹噓薄遊泮水方鳴
鐸大隱王門更曳裾雲夢澤中秋山獵曲江樓上
夜觀漁長沙才子堪留地莫向西風嘆謫居

送仁和林公之任刑部

十德芳林孰與齊，循良不數漢京西。
春深百里安耕鑿，海晏三年息鼓鼙。
聖主弛刑先象魏，郎官通籍在金闈。
秋風白下青雲迥，何自重暉濁水泥。

送盧處士歸衡陽

乘舸廬敖鬢已絲，故山猶恨得歸遲。
不嫌賓館無梁肉，祇戀仙家有石芝。
鳥下綠蕪三國壘，猿啼斑竹二妃祠。
九疑何處看明月，處處峯前影自疑。

八月十四秋分望夜對月醉後寄俞潤之

海宇澄清氣爽然，一番新雨斂輕煙。
秋光正遇平分

好月色難逢二七圓
桂醕暗香金漱澼羽衣高韻
玉嬋娟遙知醉裏多情甚
花徑徘徊夜不眠

送陳先生甫 遼王府

秋到江南鴈未群
藻林落葉遽紛紛
雙鳧飛去鳴琴轍
三鱸街來講席分
往日荊州惟用武
當朝獨崇文
登高正及龍山會
未必黃花笑使君

大方柏畢夫子見招賦贈一首

使節曾騁赤微鸞
蒼溪輓輅獨盤桓
四年夢寐沈魚素
五嶺炎蒸辟鷲冠
滄海浪高翻手息
紫微星近舉頭看
重勞折簡呼寒士
應笑彭宣入幕難

竹茶爐

斲得筠根織茗爐，偶聯丹竈獎青奴。
香生額渚微風起，夢斷湘江片月孤。
秋影入林搖鳳尾，午聲翻浪滾驪珠。
吟筇汗簡同清社，合伴煙波舊釣徒。

斷

竹
作
老

謝真人過舊山

不逐青鸞去，猶乘白鶴還。
百年懷舊侶，一徑入荒山。
盟在松篁老，游追鹿豕閒。
霞旌雲袂卷，丹竈火仍殷。
洞府先天闢，柴扉過雨關。
尚嗟名利客，皓首寄塵寰。

同詠一首

蔣灼

昔年棲隱地，茗上得青山。
念爾煙霞相訪，予雲麓間。

跡隨蒼鹿到田養白鴉閒調息夜聯榻談玄月滿關
無由覓大藥即擬駐朱顏蓮葉舟今去何時海上還
畢方伯薦不肖于大叅張公奉贈兼謝一首

臯門容掃彗生花况有諸侯折節誇肯爲虛名存佚
老曾分清俸到貧家子房籌策傳黃石燕國文章待
白麻猶自品題增朽價微軀何以報瓊華

白鷺浮居秋泛

茗花如雪淡籠煙短棹惟尋白鷺眠濃露結成凝碧
水孤雲飛盡蔚藍天波搖茶影頻醒酒研滴蘋香正
草玄不爲閒愁賦秋興浮蹤是處可隨緣

萬松書院登振衣亭觀浙江潮

蕭瑟亭臺正可秋清霜紅葉滿林丘日邊雲爭天如
洗海上潮來地欲浮衣敝豈堪鶉結振身閒宜與鹿
群遊石田數畷生涯在何必乘桴嘆橫流

孔子嘆滄海之橫流

報國寺晚眺懷古

麋鹿成群蔓草深萬松王氣久消沈六飛南渡猶傳
昔兩乳西來直到今滄海夕陽明雪浪空門秋色淡
霜林廢興千古尋常事元塔秦橋獨苦心

江守覽勝

潮擊西陵一帶斜錢塘十里漲堤沙雄藩舊比諸侯

國廢苑徒存帝子家風便舟檣浮海粟月明街市繞
煙花女郎能說清平話半醉停興聽琵琶

雲卧堂獨酌

殘月斜穿雲卧堂松濤卷地紙衾涼老僧入定禪燈
滅幽夢不成呼酒嘗

雨餘

細雨欲晴能恁晴夕陽村外滅還明芙蓉亞水秋將
老稻穀盈丘歲已成愁不可侵惟笑傲醉何足惜罷
經程西風黃菊猶堪采爲道南山有好情

梳頭落一白髮人言筭髮戲作

三旬有九氣全嬰少壯因循老態成
潘髻幾絲斑不覺鄧林一葉落何驚
兒窺鏡裏呼人摘我付杯中任爾生
百歲大都頭盡白料無長美到田彭

秋夜久坐懷友

金粟花開月滿庭
越羅涼沁露華零
四更人靜初聞
鴈千里書來久
散星蟋蟀怨聲偏
在壁芙蓉寒影故
依屏秋深懷抱難
成夢河漢將闌酒漸醒

桂花酒一字至七字詩因賞庭中丹桂有作

桂

桂砌 月明雨霽 織阿分夢即甄 盛德正炎江

南獨麗 幽香天闕遙 碎粟金屑綴 丹發叔向五
枝林榮郊詵一第 招隱長歌大小山 仙蠹同餐千
萬歲

和

蔣灼

桂麗 叢生峯際 小山中高士憇 八樹成林團
團陰翳 天香並倍多 金粟花還細 根蟠蟾窟偏
長子落鷲峯難計 月裏如容種兩株 一枝定爲佳
人惠

花

花家 密葉奇葩 林絢綵幄籠紗 一枝春雨五

色朝霞 好風香旖旎 明月影橫斜 美女金尊檀
板王孫肥馬輕車 且拚醉顏同潦倒 莫教轉眼負
韶華

和

蔣灼

花嘉 疊錦蒸霞 香百和幾枝斜 月娥移影天
女散華 誰能頃刻放常許 蝶蜂誇 每欲栽培荒
徑儘教粧點貧家 開難莫遣落容易 蕊密何妨葉
亂遮

酒

酒白 麴生紅友 中聖賢何薄厚 既美千鍾曾

誇百斗 笑我有別腸到君莫停手 祇宜喚高陽
徒切莫聽劉伶婦 投轄頻開北海尊對花共祝南
山壽

和

蔣灼

酒有 千鍾萬斗 鸚鵡杯雲雷缶 一飲一石鯨
吞海受 天傾三十三量勾九分九 麴生風味雖
嘉醉客神魂不守 舉世惟投李白墳誰人肯聽劉
伶婦子久不飲故如此云然酷能道善飲者顛狂之
態不覺絕倒

秋夜遠思

坐久香生翡翠屏西風露重桂花零秋來歡夢偏難

續集二十九
十一
作月下寒砧不柰聽河漢有靈常耿耿壺觴無賴獨
惺惺縱橫汗簡真吾伴誰復吹藜照杖青

奉和遂昌黃御史文卿閩陽別業四首

代作

花木深沈曲徑通居然山谷古人風共夸柱下多良
史未許亭中有醉翁林水平臨魚鳥近煙波高卷海
天空遠遊尚滯盧邀跡黃鵠何堪比壤蟲

圖書璨爛即蘭臺驄馬承恩暫許回短榻獨分高士

卧清尊常對好山開峯巒筆卓文華集石室丹成瑞

氣來霖雨傳崑知欲起商家正急濟川才

地有文筆
峯瑞山

攬得雲霞結小亭春風爛熳作新晴醉花露滴金盞

碧煮茗泉分玉甕清黑薦不撓周室法丹雞肯背越
壇盟由來吏隱兼仙隱且聽叢霄絕調笙

水滿池塘竹滿林風流不負酒杯深西臺御史真椒
口南國佳人有蕙心星影故搖雙匣劒秋聲忽動萬
家砧輞川勝事多于昔誰和王維倚樹吟

奉詠閩陽別業之勝兼送御史黃公文卿北上
地名文里蓋取閩星在酉別業面卯從象緯也

書錦堂成野興濃新詩應鏝玉芙蓉閩星未夜輝文
里研沼清秋印筆峯葉葉鳳毛瞻世德蕭蕭驄馬振
時雍還將繪藻風雲思去補明皇袞上龍

公之叔
年家也

秋河曙耿耿

良夜思如何
晨光映素波
雙星侵曉轉
八月泛槎過
踈滴承金掌
清輝掩玉荷
秋懷同耿耿
攬袂賦明河

同詠一首

蔣灼

九霄澄玉露
萬里粲銀河
渡月秋分路
浮空曉不波
曾聞營室畔
無復海槎過
惟有人間水
年年照影多

廢寺

蕭寺何年廢
丹青古像崩
苔鋪階上衲
螢作佛前燈
斷碣埋荒草
飢甕挂瘦藤
卽知生相滅
悵望碧山層

寄衣曲

裁衣寄邊戍計及授衣時豈騁刀尺工祇求與身宜
當心多着綿背而縫絲絲但要君心暖不望君心知
常恐寒早至去使毋遲遲王事正靡盬焉敢問相思
贈誠意伯劉公因尋丹砂有作

元勳三十最風流駟馬還鄉 聖眷優想見明朝驅
勝國徒聞漢室有留侯貂蟬襲寵重分券奏疏頻封
舊運籌好向商山尋四皓何須更伴赤松遊

由金沙灘遊飛來峯玉乳洞摹窮崖碑刻

喚得湖邊棹遙穿第五橋金沙明曲澗玉乳見層霄
鳥跡深堪榻猿聲近可招片時間自好况復寄清寥

循三天竺登白雲堂眺覽月桂諸峯示張汝芳
一竺一叢林三天境漸深平臨青桂樹直上白雲岑
孤磬圓僧梵飛泉淨客心何年圖小隱倚杖聽猿吟

岳武穆王墓

一死終成萬古名天教大將罷專征霜寒北鴈無來
信風落南枝卷去旌杜稷有興雖有廢君王忘父更
忘兄祇今寂寞西湖月曾照當年五國城

九日紅梅

未放重陽菊先開九日梅卻疑秋色盡又見早春來
蜂蝶翻歌板茱萸佐酒杯南山籬外近佳氣鬱崔嵬

訪吳鍊師留飯有贈

金華傳說初平子，吳猛仙風信等儕。
漫立虛園規月地，幸披宿靄拜雲階。
衣冠朴野年方妙，蔬水新香午共齋。
爲問唐姑近何似，終南紫氣渺余懷。

古意

妾歌子夜卽拍手，嫁得卽時期白首。
長年爲客不在家，女兒強似空牀婦。

秋夜有懷臨安高世文伯季

一溪三縣接封疆，百里相違十載強。
每憶西堂聽風雨，何時北海共壺觴。
夢尋隱隱山銜月，書寄瀟瀟鴈

帶霜爲我掃除天月徑孤峯長嘯發清商

安溪

無諍寺前黃葉落安溪橋下綠波平乘流欲放蘭橈
去雪色茗花何限情

贈餘杭張侯兼謝白金之惠

雨露新沾墨綬香近民平易古循良談經已鼓文翁
化摘伏能鋤閭氏強郭抱水聲琴索靜簾垂山色簿
書涼獨因野客勞分俸秋月踈林倍有光

老子出關圖

中土冠冕鄉流沙颺颺地爾本知足人西遊亦多事

青牛輓不回萬一有深意我獨守山林清風五千字
歸自靈隱與張子乘月泛湖投宿雲居寺

桂檝橫過起白鷗蕪葭零亂晚悠悠情懷自許清如
水詩句誰能淡似秋僧舍寄居忘作客農家成熟勝
封侯浮沈一點湖心月肯照人間萬古愁

爲方士孫浦題柏青卷

鶴髮仙翁藥有靈囊中一卷是黃庭桃花入鼎如霜
白柏葉盈囊帶露青金穴肯教藏乳石醉鄉曾笑進
稀苓倒生大谷今何似且看樓東翡翠屏

余有二柏
樓翡翠屏

遊大雲寺有懷塘棲諸友

唐武后天授元年東魏國寺僧法明等僞撰
大雲經四卷表上言太后乃彌勒下生當代
唐爲閻浮提主制頒天下令諸州各置大雲
寺總度僧千人今之大雲昉此

奉口溪分一曲斜大雲古寺說唐家已教
淫后真稱帝遂遣妖僧乂亂華卓午梵鐘
喧白鴿小春香鉢見黃花懷人遠道頻
翹首處處楓林挂夕霞

沉皇天蕩宿張二兄莊

正欲尋君阿濫橋塘棲偶爾會蘭橈
綠波屈曲寒蘆密紅樹參差別墅遙
舉網得魚銀入饌藏闔行酒下

傾瓢聯牀此夜田家樂
霽月微明轉絳霄

力疾左書奉寄田子藝一首

閩林世璧

夢遶玄齋身淹下里
神交轉切聲應何如

遊崑遙慕女君復乃慚
余千里神徒往三秋鴈轉踈
久辭人載酒那問鶴乘車
惆悵停雲句曾無阿買書

奉酬林天瑞扇寄左書一首

枉貽秋信僅接冬緘
良晤未期仰止彌切

鴈使迷前素鴻賓遠
左書感君交誼密媿我
世情踈
梅鶴風斯古煙霞疾未除
碧雲南國渺悵望欲何如

送人之廣東因答訊止風

一過庾嶺下羅房南海民風頗異常出入大晴拖木
屐夫妻半夜嚼檳榔鱈魚遠去潭無毒蚌蛤重來月
有光政簡自公多退食荔枝蕉酒得新嘗

客至戲作

少陵芋栗未全貧何事門庭畏客頻

俱見杜詩

我有一尊

羞獨酌花前相見即相親

螢火

誰言生腐草星月借微光沾露時依砌隨風偶入房
燈移疑近席燼落誤褰裳莫作寒霜慮人生執太陽

嘲妖廟中求籤者

土偶本非靈，愚夫受使令。
一籤分禍福，兩耳貫雷霆。
會見凶成事，曾聞吉犯刑。
聖謨存竹簡，抽誦與君聽。
侍家大夫遊塘樓，會年伯父邵通府燕集沈千夫長宅。

曲水重山去路賒，西風鴻鴈起蒹葭。
玉簫畫鼓喧晴晷，書錦纜朱簾。
映晚霞，勳業汗清，直執戟田園頭白幾。
通家不因百里扶鳩杖，歲暮何由夢酒車。

紙被三首

由拳細紙白，赤霜不用純。
絛絮裝酒醒，夢回春蒲被溫柔。
此處是吾鄉。

由拳餘梅山後

藤枕筠牀蒲作團錦奢布儉事皆難道人楮被元非
詐雪壓風吹也耐寒

薇署三芝爲江西大叅陳公作

昔于瑞命圖中見今向雄藩圃內生知氣已從玄壤
發瑤光還映紫薇明自宜楚澤歌三秀共擬銅池繼
九莖 聖主采榮徵詔急泰階先兆德星平

懷塞上從軍

塞外已三年音書鴈不傳幾回推枕夢多是枕戈眠
客淚寒成雪胡塵暗接天封侯非願爾歸計種山田

鐫詩筒

萬里先春信梅花只一枝何如八行字并得兩心知
細雨無妨濕清風且爲吹山翁正縣望來往莫遲遲
奉謝餘杭張大尹雪中三惠

燭

賢侯能下士官燭藉餘光冬燧分檀火春燈列草堂
照天稱爾著映雪笑余僵不用穿鄰壁明恩即太陽

茶

賢侯能下士嘉茗性尤便若褻臨風拆筠鑪掃雪煎
馬卿方酒渴鴻漸本茶仙他日頭綱賜還期八餅傳

筍

賢侯能下士冬筍寄山中
斲凍新開雪行篋未透風
段干厨正乏玉板味應同
使節清如竹凌霄自鬱葱

觀陳翁丹鼎

大藥諒非難鑪中火未殘
樓遲二島客寤寐九華丹
且試朱砂鍊曾聞白石鑛
肯容分一粒碧落附飛翰

湯婆

青奴去後足如冰
聘得溫娥暖氣增
爾本無心爭妬
隴炎涼自昔有憐憎

送人之象縣

倦客南遊已二毛
瘴鄉何足滯賢勞
江中屋舍皆編

竹山上耕鋤盡插刀舞象酌神歌正答椎牛饗土職
方鑿秋來莫作思歸曲蘆作笙吹蜜作醪

金盞銀臺花

木仙花別種

黃金爲盞白銀臺老瓦盆邊特地開天與野人驕富
貴對花肯惜玉山頽

謝俞潤之惠襪履

柴門雪積出無履群兒笑穿露十趾山行屐齒豈辭
勞布襪青鞋索價高慚媿故人知此意兼之贈我憐
同袍青絲鞋襯紫毳靴毳軟如綿絲似髮胡氈越蘭
天下珍珠履鷓頭等毫忽玄真莫呀靴無帶青蓮麻

鞋寄塵外湖山雪霽草鋪茵踏春定向東郊會

冬盡閒適

歲暮山中事事宜夜深風雪壓茅茨冰盤旋簇銀絲
鱸石銚新煨玉面狸百計總來惟肆志一尊相對即
揚眉年三十九尋常度春到梅花異往時

臘八粥

舊傳臘月二十五米豆作粥分口數吾鄉廿八俗異
常赤豆香粳隔歲糧共夸辟鬼又辟荒大口小口都
來嘗除夕紅珠重作飯元旦交新祝如願舊穀未沒
新穀升倉粟陳陳百千萬吾欲易足食易供日胥脫

粟八合春子孫好學兼務農平安自春直到冬

雪中渡西湖

飛雪蒲湖堤肩輿不知路幸有好酒人漁舟肯相渡
踏凍上飛來峯

遊人蜩縮登山少我獨凌寒上鷲峯百道飛泉四山
雪分明一朵玉芙蓉

水樂洞

誰將絲竹管地籟空中起寒泉咽不流希聲洗人耳

端居

端居不出戶每爲時所誚觴詠債益深烟霞疾難療

石田礪确耕溪潭寂寞釣散髮卧風軒躡履入雲嶠
家貧絕餽遺性嬾罷慶吊心靜合至玄機忘窺衆妙
倦學能鳥修興成霹靂嘯舉世寡和音誰人能久要
夢等蕉鹿訛跡與雪鴻肖少壯隙駒馳禍福爐毛燎
肯教蛇有足寧作瓠無竅屈毅獻謂居士田仲堅執厚而無竅回思十
載前拗悔頭自掉

除夕

三十九年時俗思喜逢除夕歲云除屠蘇酒映燈花
粲肺腑春髓爆竹舒有我行藏聊且爾于人愛憎任
何如曹騰不覺東方曙四十明朝家慶餘